

水經卷五

漢桑欽撰

後魏酈道元注

河水五

漂水

河水又東過平陰縣北湛水從北來注之河水又東逕河陽縣故城南

春秋經書天王狩于河陽壬申公朝于王所晉侯執衛侯而歸于京師春秋左傳僖公二十八年冬會于溫執衛侯是會也晉侯召襄王以諸侯見且使王狩仲尼曰以臣召君不可以訓故書曰天王狩于河陽言非其狩地服虔賈逵曰河陽溫也班固漢書地理志司馬彪袁崧郡國志晉太康地道記十三州志河

陽別縣非溫邑也漢高帝六年封陳涓爲侯國王莽
之河亭也十三州志曰治河上河孟津河也郭緣生
述征記曰踐土今治阪城是名異春秋焉非今河北
見者河陽城故縣也在治阪西北蓋晉之溫地故羣
儒有溫之論矣魏土地記曰治阪城舊名漢祖渡城
嶮固南臨孟津河洛陽西北四十二里故鄧鄉矣

河水又逕臨平亭北

帝王世紀曰光武葬臨平亭南西望平陰者也

河水又東逕洛陽縣北

河之南岸有二

宋本作一

碑北面題云洛陽北界水二渚

分爲之也上舊有河平侯祠祠前有碑今不知所在

郭頒世語曰晉文王之世大魚見孟津長數百步高五丈頭在南岸尾在中渚河平侯祠即斯祠也

河水又東逕平縣故城北

漢武帝元朔三年封濟北真王子劉遂爲侯國王莽之所謂治平矣俗謂之小平也有高祖講武場河北側岸有二城相對置北中郎府徙諸從隸府戶并羽林虎賁領隊防之河水南對首陽山春秋所謂首戴也夸齊之歌所矣曰登彼西山

宋本作夸齊之歌所以曰登彼西山矣

上有夸齊之廟前有二碑並是以漢河南尹廣陵陳導洛陽令徐循與處士平蘇騰南陽何進等立事見其碑又有周公廟魏氏起玄武觀於芒垂張景陽玄

武觀賦所謂高樓特起竦踣峇堯直亭亭以孤立延

千里之清飈也朝廷有

當作又

置冰室於斯阜室內有

冰井春秋左傳曰日在北陸而藏冰常以十二月採

冰於河津之隘峽石之阿北陰之中即邠詩二之日

鑿冰冲冲矣而內於井室所謂納於凌陰者也河南

有鉤陳壘世傳武王伐紂八百諸侯所會處尚書所

謂不期同時也紫微有鉤陳之宿主鬪訟兵陣故遁

甲攻取之法以所攻神與勾陳并氣下制所臨之辰

則袂

疑

禽敵是以壘資其名矣河水至

一作由一作於

斯有

盟津之目論衡曰武王伐紂升舟陽侯波起疾風疾

當作逆

流武王操黃鉞而麾之風波畢除中流白魚入

於舟燬以告天與八百諸侯咸同此盟尚書所謂不

謀同辭也故曰孟津亦曰盟津尚書所謂東至于孟

津者也又曰富平津晉陽秋曰杜預造橋於富平津

所謂造舟爲梁也又謂之曰陶河魏尚書僕射杜畿

以帝將許

魏志云帝將幸許

試樓船覆於陶河謂此也昔禹

治洪水觀於河見白面長人魚身出曰吾河精也授

禹河圖而還於淵及子朝篡位與敬王戰乃取周之

寶玉沈河以祈福後二日津人得之於河上將賣之

則變而爲石及敬王位定得玉者獻之復爲玉也

河水又東溟水入焉

山海經曰和山上無草木而多瑤碧實惟河之九都

是山也五典

山海經作五曲

九水出焉合而北流注於河其

陽多蒼玉吉神泰逢司之是於萑山之陽

山海經作是

萑山之陽

出入有光呂氏春秋曰夏后氏孔甲田於東陽

萑山遇大風雨迷惑入於民室皇甫謐帝王世紀以

爲即東首陽山也蓋是山之殊目矣今於首陽東山

無水以應之當是今古世縣川域改狀矣昔帝堯修

壇河洛擇良議沈率舜等升於首山而導河渚有五

老遊焉相謂河圖將來告帝以期知我者重瞳也五

老乃翻爲流星而升於昴即於此也

論語比考識曰堯與舜等遊首

山觀河渚有五老遊河一老曰河圖將來告帝期河

圖將浮龍銜玉苞刺版題命可卷金泥玉檢書成知

我者重瞳黃姚歌

訖五老飛入於昴

又東沛水注焉又東過鞏縣北

沛水當作沛水沛與濟同此後濟水中凡有沛

水者訖誤矣

河水於此有五社渡爲五社津建武元年朱鮪遣持節使者賈彊討難將軍蘇茂將三萬人從五社津渡攻溫馮異遣校尉與寇恂合擊之大敗追至河上生擒萬餘人投河而死者數千人縣北有山臨城謂之崋嶺丘其下有穴謂之鞏穴言潛通浦北達於河直穴有渚謂之鮪渚成公子安大河賦曰鱣鯉王鮪暮來遊周禮春薦鮪然非時及佗處則無故河自鮪穴已上又兼鮪稱呂氏春秋稱武王伐紂至鮪水紂使膠鬲候周師即是

洛水從縣西北流注之

洛水於鞏縣而東洛汭北對琅邪渚入於河謂之洛口矣自縣西來而北流注洛清濁異流皦焉殊別應瑒靈河賦曰資虛川之遐源出崑崙之神丘涉津洛之峻泉播九道於中州者也

原賦虛作靈峻作阪

又東過成臯縣北濟水從北來注之

河水自洛口又東左逕平高縣南又東逕懷縣南濟水故道之所入與成臯分河水

河水又逕黃馬阪北

謂之黃馬關孫登之去陽駿作書與洛中故人處也

晉書云武帝崩楊駿輔政百官總已公室怨望天下憤然駿自知素無美望乃徵高士孫登遺以布被登

截被於門大呼曰斫斫刺刺旬日
託疾詐死後駿果敗死於馬廐

河水又東逕旋門阪北

今成臯西大坂者也升陟此阪而東趣成臯也曹大家東征賦曰望河洛之交流看成臯之旋門者也

河水東逕成臯大伾山下

按史記括地志云大伾山今名黎陽東山在衛州黎陽南

張揖云今成臯非也

爾雅曰山一成謂之伾許慎吕忱等並以爲丘一成也孔安國以爲再成曰伾亦或以爲地名非也尚書

禹貢曰過洛汭至大伾者也鄭康成曰地喉也流

宋本

作流出伾際矣然則大伾在河內修武武德之界濟沆

之水與滎播澤出入自此然則大伾卽是山矣伾北

即經所謂濟水從北來注之者也今沛水自溫縣入河不於此也所入者奉濟

舊本作溝

水耳即溝

舊本作濟

沆之

故瀆矣成臯縣之故伾上縈帶伾阜絕岸峻周高四

十許丈城張翕嶮崎而不平春秋傳曰制巖邑也虢

叔死焉即東虢也魯襄公二年七月晉成公與諸侯

會於咸

左傳作咸

遂城虎牢以逼鄭求平也蓋修故耳穆

天子傳曰天子射鳥獵獸於鄭圃命虞人掠林有虎

在乎

舊本作於

葭中天子將至七萃之士高奔戎生擒虎

而獻之天子命之爲柙畜之東虞是曰虎牢矣然則

虎牢之名自此始也秦以爲關漢乃縣之城西北隅

有小城周三里北面列觀臨河茗茗孤上景明中言

之壽春路直茲邑升眺清遠勢盡川陸羈途遊至有
傷深情

河水南對玉門

昔漢祖與滕公潛出濟於是處也門東對臨河側岸

有土穴魏攻此

宋本作宋

同州刺史毛德祖於虎牢戰經

二百日不尅城惟一井井深四十丈山勢峻峭不容

防捍潛作地道取井余頃因公至彼故往尋之其穴

處猶存

河水又東合汜水

汜音似汜水在成臯故城東

水南出浮戲山世謂之曰方山也北流車關水出於

嵩渚之山也泉發於層阜之上——源兩枝分流瀉注

世謂之石泉水也東流爲索水西注爲車關西北流
楊蘭水注之水出非山西北流注爲車關水又西北
蒲水入焉水自東浦西流與車關水合而亂流注於
汜汜水又北右合石城水水出石城山其山複澗重
嶺鼓壘若城山頂泉流瀑布縣瀉下有溫泉東流洩
注邊有數十石畦畦有聲

宋本
作數

野蔬巖側石窟數口

隱跡存焉而不知誰所經始也又東北流注入於汜
水汜水下北合鄭水水西出婁山至冬則燠故世謂
之溫泉東北流逕田鄆谷謂之田鄆溪水東流注於
汜水汜水又北逕虎牢城東漢破司馬欣曹咎於是
水之上汜水又北流注於河征難賦

盧諶有
征難賦

所謂步

汜口之芳草弔周襄之鄙館者也余按

疑脫一先字

儒之

論周襄所居在潁川襄城縣是乃城名非爲水目原

夫致謬之由俱以汜鄭爲名故也是爲爽矣又按郭

緣生述征記劉澍之永初記並言高祖即帝位於是

水

當有之字

陽今不復知舊壇所在盧諶崔雲亦言是矣

余按高皇帝受天命於定陶汜水又不在此也於是

求壇故爲髣髴矣

定陶汜水音泛取其汜愛而潤下

河水又東逕板城北

有津謂之板城渚口

河水又東逕五龍陂北

臨長河陂有五龍祠應劭云崑崙山廟在河東滎陽

縣疑即此祠所未詳

又東過滎陽縣蕩蕩渠出焉

大禹塞滎澤開之以通淮泗即經所謂蕩蕩渠也漢

平帝之世河汴浚壞未及得修汴渠東侵日月彌廣

水門故處皆在水中

御覽引此作門閭故處後漢明漢書王景傳作皆在河中

帝永平十二年議治汴渠上乃引樂浪人王景問理

水形便景陳利害應對敏捷帝甚善之乃賜山海經

河渠書禹貢圖及以錢帛後作隄發卒數十萬詔景

與將作謁者王昊共防築隄修竭

後漢書及玉海皆作王昊御覽引此

亦作吳下作治渠築隄防修竭

起自滎陽東至千乘海口千有餘里

景乃商度地勢鑿山開澗防遏衝要疏浚壅積十里

一水門更相洄注無復潰漏之患明年渠成帝親巡

行詔濱河郡國置河隄員吏如西京舊制景由是顯

名王昊諸從事者皆增秩一等順帝陽嘉中又自汴

口以東緣

宋本作綠河

積石為堰河

宋本無河字

通淮古

疑作淮

口咸曰金隄靈帝建寧中又增修石門以遏淮口水

盛則通注津耗則輟流

御覽作自汴河口以東緣河積石為堰通淮曰金隄

河水又東北逕卷之扈亭北

春秋左傳曰文公七年晉趙盾與諸侯盟於扈竹書

紀年晉出公二十二年河絕於扈即於是也

河水又東逕八激隄北

漢安帝永初七年令謁者太山于岑於石門東積石

八所皆如小山以捍衝波謂之八激隄

河水又東逕卷縣北

晉楚之戰晉軍爭濟舟中之指可掬楚莊祀河告成而還即是處也

河水又東北逕赤岸固北而東北注之又東北過武德縣東沁水從之

河水自武德縣漢獻帝延康元年封曹叡爲國即魏明帝也

東至酸棗縣西濮水東出焉

漢興三十有九年孝文時河決酸棗東潰金隄大發卒塞之故班固云文堙棗野武作瓠歌謂斷此口也

今無水

河水又東北通謂之延津

石勒之襲劉曜途出於此以河冰泮爲神靈之助號
是處爲靈昌津昔澹臺子羽齎千金之璧渡河陽侯
波起兩蛟挾舟子羽曰吾可以義求不可以威劫操
劒斬蛟蛟死波休乃投璧於河三投而輒躍出乃毀
璧而去示無恚意趙建武中造浮橋於津上採石爲
中濟石無大小下輒流去用功百萬經年不就石虎
親閱作工沈璧於河明日璧流渚上波蕩上岸遂斬
匠而還

河水又東逕燕縣故城北則有濟水自北來注之